

宣
化
縣
新
志

卷十四
人物志下

卷十五
選舉志

宣化縣新志卷十四

人物志下

孝友

孫世德字配京號敬修貢生孫衍策之長子也有清乾隆時以通判候選性孝友有父風襲其成業惟恐弗克負荷能忍能讓卽有以橫逆相加者亦處之怡然以故鄉黨宗族咸稱爲誠篤君子焉與羣弟同居四十餘年無片言相爭胞姝適張門貧寡不自給世德勸合族公助之已又出囊金以時饋贖二十餘年如一日未嘗有德色易簣時猶留百金爲妹養老其克敦友愛如此享壽七十有八亦作善之報云

宣化縣新志

卷十四 人物志下

一

孫厚德字仁甫號載資貢生孫衍策之次子也中式有清乾隆甲午科舉人庚子恩科進士以知縣候選性雖稍純而篤好學刻志攻苦純靜專一於書無所不讀捷南宮後尤嗜通鑑終日不肯釋手爲人睦宗族好施捨課兩弟一子讀諄諄無異教事親以孝父鰥居十七年曲意承歡遇事非奉命不敢行疾革時猶曰老父在堂不克終養死難瞑目也惜天不假年未能展有爲之志然名重當時文傳後世亦足以法矣年僅五十而卒王紫陽幼敦行好學性尤孝友戚族鄉黨無間言有張公翰拜題匾額爲善積成名贊文有孝友本之天授媻睦原於性成年值古稀閭里有推崇之雅典隆盛世督司有優異之褒等語

王在綱縣西鄉老鴉庄人事母孝謹鄉人咸推許之
王嘉猷縣南鄉化梢營人與其弟鴻猷俱爲武庠生事親以孝
聞子姓雖繁毫無間言同居已五世堪爲家庭模範

王好信字鴻浦縣東鄉馬家灣人前清增貢生性至孝有義名
母臨歿時欲食瓜不得父誤食瓜而死好信遂終身不忍食瓜
能急人之急施衣捨藥無吝色性剛直好面折人過人不怨而
反德之卒已數年鄉人至今猶稱道弗衰

劉宗堯誥授迪功郎因孝弟崇祀鄉賢祠

陳詣全清乾隆三十三年立有志醇行正匾額

陳天伸有操行被舉爲鄉飲次賓清嘉慶四十四年立有英奕

宣化縣新志

卷十四 人物志下

二一

維風匾額

馬春陽宣化縣屬施家村人事母禹氏甚孝會母疾醫藥罔效
有告以割肉療親者春陽深信之遂割其肉烹以進禹食之竟
痊鄉人遂許以純孝焉春陽現任某村塾師年雖老而體甚健
云

董憲舒蔭椿之子縣北鄉西望山村人性誠篤不苟輕財尚義
處家庭藹如也其父有二兄蔭椿遂承長門之祧娶馬氏生憲
舒甫四齡而蔭椿死長次兩房同居已三世民國三年董氏析
產戚族咸慮憲舒爭蓋習慣長次兩房應半分之而憲舒強主
以先昆仲鼎足而三焉馬氏亦躋其言閭里咸高其義云

儒行

閻慄字毅菴性寬和善養生有清嘉慶三年壽已八十有二步履輕健面如少壯是年朝廷開千叟宴詔民間八十以上者與之蒙知縣朱公詳請送部侍宴恩賜八品頂帶至道光元年恭逢皇帝養老盛事扣足一百零六歲蒙知縣韓公詳請直隸總督題奏奉旨賞給六品頂帶上用黃緞一疋並賜銀兩及昇平人瑞匾額又給建坊旌表銀兩准自行建坊至道光二年直隸總督鈐印黃綾匾式發下敬摹製懸迄今猶存享壽百有七歲而卒亦耆民之殊遇也

閻健翹字凌雲曾蒙殊遇閻慄之子也恩貢生善書法終年握管不倦年已八十有一右膊病不舉更以左腕書之尤奇勁而秀其後人所讀之五經暨四子書多爲健融手抄其耐性善書有非常人所能及者壽八十三而卒

閻文光字覲天州判閻健融之長子也中式有清道光甲午科副榜已亥科舉人選授保定府完縣教諭晚年休致家居事親以孝教子以嚴一時俊傑之士多出其門下享壽七十有七而卒

閻廷佑字保齋完縣教諭閻文光之長子也性鈍而篤嗜學以廩貢生設學授書數十年無倦容以故閻邑士子強半出其門下爲人不苟言笑目不邪視鄉人頗許其方正有子二皆名列

庠籍七十有八而卒

閻廷弼字右卿號曉滄完縣教諭閻文光之胞侄也中式有清同治癸酉甲戌聯捷進士性敏慧好讀書過目輒能成誦尤喜讀子史所作制藝多得包羅經史批語乙未探花龐公鍾璐典試順天時將其文刊入畿輔試讀工書法惜皆散失今存者惟昌平門樓上之拱極樓匾額而已天竟不假之年四十一歲卒於工部營繕司主事之任無出胞姪慶陞嗣之

郭蘅字杜若品行醇謹學問淵博弱冠遊庠試輒前列所著文藝甚富家居設教從遊者皆一時俊髦其間掇巍科奮功名以去者不可勝數惟知遇甚晚年近古稀始以明經中式雍正癸

宣化縣新志

卷十四 人物志下

四

卯科舉人乾隆元年會試特旨赴試舉人年逾七十者分別優獎恩加國子監學正職銜蓋殊遇也享年七十有八惜所著已散失不存矣

郭維翰字嶽秀號健峯幼年早孤尊母氏訓敦謹好學尤善書居家孝友嫻睦屢困場屋艱於一第以歲貢選陝西臨洮府別駕居官慈儉不貪吏民懷之如召父杜母後遷雲南順寧府因路遠告歸鄉里性益嗜學年八十七歲而卒

孫建德字立夫號樹滋貢生孫衍策之三子也中式有清乾隆癸卯科舉人授兵部武選司主事幼聰明有夙慧過目成誦爲儕輩所推重而建德益下幃苦攻故淹雅博洽試輒冠軍髫年

食餼於郡學弱冠卽登第尤善書邁勁雄秀風骨自異在兵部行走持廉奉法克盡厥職歸田後杜門謝客以詩酒自娛享壽五十三卒

遜進德字慎修號敏公孫衍策之四子也中式有清乾隆乙卯科舉人以知縣候選性剛直不假詞色於人然與人決事機明可否侃侃辯論人咸從焉壯歲登賢書後卽終日以詩酒自娛徜徉自得於林囿間隨意消遣不干外事時與親族鄉黨良辰晏樂惟講求親賢遠佞之道論者咸謂其嚴重自矢老而弗衰足爲里中子弟法壽七十而卒

郭鼎運字際亨幼穎悟好讀書年十四補博士弟子旋食廩試

宣化縣新志

卷十四 人物志下

五

輒冠軍爲名諸生惟躡場屋者三遂不復習舉子業殫實學覽羣書學益淵通品極端正尤工臨池凡所嗜詩史文詞手自抄錄成券帙者頗多以明經選訓導因母老不就日惟孝事庭闈友於昆季融融祇祇其垂範後人者正多惜五十九歲而卒
黃文治字子俊號蔚華清同治壬戌恩貢生爲人方正學問淵博終身肄業有柳川書院每試輒列前茅人以文壇老手推之其先祖如黃明臣黃鈇黃鉞黃鉉黃洲黃瀛黃鼎楫黃鼎鼐黃大本等或以功勳崇祀名宦鄉賢祠或因授選歿於王事均載入前志不贅

趙秉忠有清貢生也品學甚優尤工書法設帳授徒及門皆知名之士歷充柳川書院董事公正剛直不喜逢迎惟嗜菊蓄有佳種花放時邀友對飲聯句賦詩陶然自得壽七十餘而卒

劉化南字治宇縣南鄉深井堡人三歲喪母事繼母以孝聞家道貧寒幼嫻庭訓而勤苦力學孜孜不倦入泮後肄業柳川書院考得咸豐辛酉科拔貢授內閣中書轉吏部候補主事以直隸州知州用視時事日非無意仕進旋退歸鄉里成就後人光緒初年恢復旦號與有力焉庚子拳匪肇亂盲從者衆公斥爲邪匪盡力禁之經匪衆脅迫始終不肯苟和而公亦因是致疾光緒二十七年卒於家

宣化縣新志

卷十四 人物志下

六

楊毓成字靜軒縣城人由恩貢生歷充通州海運差事選授吉林伊通州訓導幼年敦品立節克盡孝弟宗族鄉黨無間言讀書以經訓爲主不徒以制藝見長設館授徒來學者衆知名之士多出其門尤嗜書法專攻歐體日書楷字數百至老不輟光緒二十年卒於伊通州任所

郭登科字雲階縣城人幼年習舉子業鄉試十次屢薦不售由恩貢生以教職選用親老家貧有志未遂其先以商業起家嗣因家道中衰設館授徒藉舌耕餬口雖肘見踵決處之泰然也晚年境益困志益堅而家無擔石地無立錐猶復節衣縮食以償夙債故終身不倚人爲熱不負人一錢是亦儒生中之難能

而可貴者光緒二十年卒享年五十三

張殿士字丹卿縣西鄉閭家屯人少從學於進士閻右卿先生性聰穎讀書過目成誦十三歲入泮十七歲考得同治癸酉科拔貢朝考二等以教職用旋任清苑縣教諭中式光緒戊子科第四名舉人試禮闈未遂因病告休年四十卒於家

王愷治字悅安本城望族也其曾祖名嚴者山西人清順治初商於宣遂家焉至祖祿讀書入邑庠始以業儒世其澤父之相敏而好學富而好禮遊泮後生愷治於康熙末年雍正間遊庠食餼敦品勵行學守程朱鄉里奉爲模範一生好施與扶危濟困立志以陰德貽子孫粹然古君子也年六十八以歲貢生候

宣化縣新志

卷十四 人物志下

七

選州通終有子二曰化昌曰化成孫六曰作霖作棟作梅作霈作模作霽化昌字政敷年十九中乾隆庚子科舉人由大挑歷署山東日照高唐卽墨歷城等州縣補授文登知縣恪遵父訓以儒術治民屢邀上游賞以直隸州在任候補得知府銜年甫四十四竟卒於官化成字簫九乾隆乙酉科拔授候選鑾儀衛經歷卒年六十有九諸孫中惟作棟弱冠病歿遺孀董氏守節至七十三歲無病而終作模由廩貢生實錄館膳錄官曾任甯河縣訓導未俸滿而致仕餘俱以恩歲貢生終嗣是曾元輩繼志述事科第綿延雖國體變更而書香未墜然非公之善承其先烏能克昌厥後哉

王鳳翔字曉霞作棟子化昌孫愷治曾孫也同胞凡三人兄鳳儀字一山道光丁酉拔貢是科卽登賢書弟鳳威字棣生歲貢生候選州判皆以詩古文詞著鳳翔幼而失怙母訓甚嚴讀書十行下性友愛篤於倫常恂恂如也而文有奇氣其才殆天授之十五歲試冠童軍學使某公於發落日飭某廣文代詢家世意在選東床也而不知已爲閩孝廉婿時未合昏耳由是文名藉甚無不以遠大期乃八戰秋闈屢荐不售咸豐元年由恩貢生應孝廉方正之舉時以國家多事停止朝考僅欽賜六品銜賞蟒緞金錠數事至是絕意進取日以經史課兒孫四十餘年詩酒消遣鄉黨稱爲品學兼優守分安命非溢譽也尤異者光

宣化縣新志

卷十四 人物志下

八

緒十六年冬月愛孫吉士侍坐談文忽曰余心氣不暢或將死矣乎似此無病而終亦一佳話然終不忍余孫也家人團聚寬慰乃次日竟一笑而逝時七十有四

王兆麟字子嘉鳳翔之子也聰穎絕特有斷制才殆得諸遺傳性耳性好讀書年十三而五經卒業其敏如此惟不喜八股文輒曰丈夫當讀萬卷書瀏覽古今天下事何必拘束於文字間乎又鑒於乃父之科甲無緣故立志不入場屋然於中國歷史清朝掌故爛熟胸中其子吉士幼讀之經史皆受諸庭訓者也尤於人情世故閱歷甚深每於鄉黨決大疑排大難數言卽解知交戲以魯仲連呼之酷愛菊又善飲養菊至五百餘種必手

自培植十餘年間無間寒暑寢食不違飲酒每至菊開時或共友或獨酌或侍嚴親以樂天倫或携幼子而講經史尚不至醉然有時而醉至三日者或亦陶潛劉伶之化身歟然性雖曠達而善持家訓子一以勤儉爲本蓋力矯世俗浮華之習也年五十一歲正其配董孺人病故之第二年感賦悼亡含情而卒劉秉文字煥章有清貢生光緒初年充柳川書院董事工書法深得子昂風味及女校成立秉文卽長之成績卓著鄰縣之女負笈而來者不乏其人宣化女學之盛得其力最多壽七十餘而卒

孫允耀字孟揚縣東鄉李家堡人有清歲貢生設帳授徒極一

宣化縣新志

卷十四 人物志下

九

時之盛爲人亦頗不苟

韓毓魁字登鰲清同治壬申歲貢東鄉李家堡人也品行端正以聖道訓後進及門弟子多通才焉

李炳字向寅清光緒元年歲貢東鄉李家堡人以教諭候選居家設學操行醇謹表率一鄉誠無愧焉

王定保字理堂幼聰穎善應對讀書過目成誦年甫冠畢業於天津譚譯儲材所嫻日語常慨人心浮靡實由於政治弗良倡開明專制主義思達所志因身入政界歷充黑龍江木蘭青崗各縣之管獄員非其志也所如不合決然舍去他人求之不得君棄之如敝屣焉宣統初年哈爾濱鼠疫流行自請入防疫局

効用拯救甚多當未入局前友人多勸止之君曰吾非不知危險惟見義勇爲爲吾人之天職生死命也天不負人吾視險途如大道耳亦可想見其志概充吉黑兩省權運局調查員首勵廉隅例賄悉謝絕之吉林財政廳長知君廉敏調充科員創建森林局兼充第三股股長衆共以豐年王目之天上麒麟方期一日千里乃顏閔不壽未及達其所志竟爾積勞病故惜哉時年三十三君之沒人謂王君之不幸實我宣之不幸也若天假之年得以展其經綸豈有量耶

郭樹屏字翰之年十三成文庠生人以神童目之奇才也學制改革畢業於宣化中學復入北洋大學之土木工程科畢業後

宣化縣新志

卷十四 人物志下

十

賜舉人朝考授職中書時當清季君鄙視宦途俗濫難以暢所學思借教育作小隱以待時清因赴東三省充黑龍江省立中學校教育非素志也課餘之暇精研學術著述頗富多發前人所未發以研究之心得循循善誘故造就通才頗多君通西算精英文內懷大志處世接物和藹可親人多樂與之遊大器方期晚成乃時當英年竟賚志以逝詎真造物忌才耶抑我宣不幸耶卒時年二十九子大正三歲而孤妻安氏守柏舟之節童尙友字益軒南鄉一堵泉人光緒癸巳科舉人天性友愛長於經史學負一鄉之望狀年有志仕進冀展抱負嗣以宦途污濁無意功名惟關心桑梓義務不辭清末辦理地方教育編纂

教育叢錄宣邑風氣爲之大開後任官立高等小學堂漢文教員熱心教授一時長於國文學生皆出其門民國紀元後任農會會長提倡森林不遺餘力十一年兼任師範講習所所長主講漢文學生咸知趨重文學重修縣志分任地理物產兩門甫脫稿而卒享年五十有六鄉人惜之

楊向榮字潤林宣化寒士也敏睿好學喜索真理尤長於數學同學皆以理學家期之幼年就學私塾旋轉國民學校每遇考試輒名冠儕輩業師屢獎其才年十八卒業於縣立第一高等小學校繼入省立第十六中學校終日勤學毫無倦容所學更進步焉中學卒業後貧不能升學幸蒙師友合力資助乃得投

宣化縣新志

卷十四 人物志下

十一

升北洋大學更勤苦勵學課業精進詎預科卒業將升正課之際忽染肺病而卒時年方二十有五鄉人愛其才而悲其命爲之悼惜不置

馬女士志貞字介堂宣城人七歲失母性貞靜好讀書甫八歲插入國民女校三年級肄業年十二升高等小學課外常讀四子及左氏春秋等書以故試輒前列國文爲諸生冠十五歲任俱進會國民女學主任教員猶以所學不足訓後進復入女子師範講習科翌年更充城區第一國民學校主任教員數經查視其教授實他校所未及曾蒙口北道尹鄒公特獎親筆團扇一柄教育廳長王公躬親蒞校批曰教法嫻熟講解明晰並傳

諭嘉獎檢定教育委員會亦以女士歷經高級長官獎勵免與檢定足徵訓迪有方成績昭著矣女士性慈善好施予凡慈善事業知之無不解囊如給楊生汝棠以藥餌爲玉生佩卿梳櫛與補綴以棉履與賈生他人以爲恩而女士以責應爾也家有祖父母父及妹與弟老幼六人衣食浩繁旣無恒產惟恃其父一人其父歷戎幕所入不足以養贍乃祖且有宿債女士減衣縮食與父分內顧憂稍有裕更與祖父償宿逋至其事祖父撫妹弟尤覺分內事耳女士日無暇晷授書之餘常執筆著文其著述散見於婦女雜誌者甚夥凡署介貞者悉是女士以柔弱之身僅及笄卽於社會相周旋其貞靜之態六載如一日惜天

宣化縣新志

卷十四 人物志下

十二

不暇之年二十一歲而卒

義方

馬文運縣東鄉段家堡人性剛直有胆力尙俠好義能急人之急聞不平事心急如焚目眚盡裂或竟潛往爭之以理不得則奮臂用武必使其平而後已遇豪惡尤不假詞色對貪吏能侃侃而爭屢爲鄉人請命以故害民之政流於東鄉者較少然公亦坐是而數受辱雖身繫囹圄無懼色有憂公者勸之則曰大丈夫不能爲國家鋤奸禦侮尙不能爲村鄉盡力耶死生又何足慮哉生平以扶弱抑強爲任有偉丈夫之稱或忌之曰丈夫果丈夫也偉亦偉矣惜少識字公聞之曰我識字誠少奸字懼

字與詐僞等字我都不識我所識者僅理字與義字耳言已拈髯微笑目睽睽如流星剛直之性至老弗衰卒年已七十矣公事蹟頗多強半爲抑強者公之子永泰恐揚人之惡不願載明故僅紀其爲人焉

孫錫齡字夢祥武舉孫枝英之長子也中式有清康熙丙子科武舉庚辰科武進士性孝友寡言笑或勸之仕則曰老父在堂曷敢遠遊願終身養之及父死諸弟與其析居則產任弟給低昂不計焉異母弟柏齡年最幼錫齡撫之成爲之婚娶並代其經營財產多年毫無所私其廉介有足多者庶母弟旭齡緣事繫於官錫齡售已產爲開脫致不受累嘗語人曰孝弟兩字出

宣化縣新志

卷十四 人物志下

十三

自天性余之愛弟正所以孝親也聞者敬之惟年三十六尙與伯道之歎妻爲之購一女賦小星焉而抱衾之夕女涕不已固詰之女曰良家子不忍人妾也錫齡笑翌日歸其父母語之曰區區身價爲若女作嫁資吾從此不復娶妾矣越明年妻生子名衍策人皆謂天之報施善人焉

孫衍策字圍之武進士孫錫齡之子也性聰敏有清乾隆年由廩貢生任濟南南陽府通判旣而致仕家居養親教子廣行陰隲親族有以緩急告者資助之無吝色乾隆二十一年口北道良卿宣化府知府張志奇知縣黃可潤率各縣紳士捐建柳川

書院

今改爲第十六中學校學生寄宿舍在縣切內皇城大橋東

衍策慨捐鉅資並獨修

老龍背與上花園一帶大路邑令喬公曾給樂善不倦匾額迨庚子萬壽衍策年登大耋恩給粟帛常以乃父遺行教其子故諸子皆成名享壽九十有三以季子健德任兵部武選司主政加一級清封誥贈奉直大夫
孫繼紱字嗣纓號祿泉清道光年附貢生進士孫厚德之次子也七歲失怙生母姚孺人撫育而訓誨之稍長出嗣長門兩地承歡孝由衷出生母苦節三十餘年繼紱竭力盡心而事之爲人端嚴公正好善惡惡人咸敬而憚之於戚黨急難之時資助無吝色每年存穀若干積之以備濟貧而猶以不能廣施爲憾其樂善好施蓋出自天性云

宣化縣新志

卷十四 人物志下

十四

錢毓美字君實縣南鄉錢家沙窰人幼穎敏好讀書因親老輟學然有經濟才於鄉黨戚族間慷慨無吝色會值歲凶鄉人十室九空毓美設法賑濟全活甚衆有以貧乏苦者無弗給力不能償輒還其券村舊有恒興渠一道爭執連年不決渠事且廢毓美調解維持羣衆皆服水利復興鄉人賴之鄰邑有某孝廉學行素著歿後無以爲殮毓美與有舊卽日經濟其喪並恤其妻孥人咸高其義毓美約己以廉持家有法姓雖繁衍然家庭雍睦人無間言遇親戚故舊尤調恤加厚其盛德懿行閭里細民至今猶稱道弗衰孫福森以舉人歷官山西交城等縣知事有政聲羣以爲食德之報云

宋相縣北鄉榆林堡人世業農家稱小康有清光緒十八年閏境被旱災村民有菜色相慨然出粟四十餘石盡散之村民賴以生光緒二十六年五月尙未雨村人無覓食處相弟湧與元更將蓄米三十餘石計戶而給之不索值村衆遂榜其門日孝義可風

張文翰縣北鄉小倉蓋人有清光緒十八年宣境大飢與同村劉選協商各出米若干濟貧村中飢民賴以不死

王志榮縣南鄉化稍營人家僅中資每冬出粟以救貧村中受其惠者頗不乏人

董琳字貢珍縣北鄉西望山人慷慨好義待人以誠戚族有不

宣化縣新志

卷十四 人物志下

十五

能婚葬者資助之不少齊清光緒七年興義倉琳條陳積穀方法首先慨捐鉅資縣令獎給急公好義匾額光緒十八年閏境成災鄉人十室九空琳出米百餘石盡散之猶以不能博施爲憾更入城請知縣發義倉穀以救災黎民得不死境賴以安壽十有九而卒其令德懿行鄉人至今尙稱道之

任璞字琢如縣西鄉小站村人幼與村農子共讀遂冠儕輩塾師器重之及長入庠學覽羣書不肯治舉子業始棄儒就耕有清光緒初年邑令王家瑞興義倉鄉人畏其酷無敢任事者璞獨不辭且曰秉公任事又何懼哉任事後春糶秋糶簿記詳明越十年陳本知縣事鈎核義倉璞爲最優後將倉穀變價建設

國民學校焉年七十餘而卒

王世隆縣東鄉泥河村農人也讀書敏悟數載而輟工心計善理財父嘗惜其廢讀世隆曰吾志在致富未聞有以秀才而起家者遂督傭務農十年而家境小康至是子弟皆就學亦多有入泮者有清光緒八年王家瑞知縣事興義倉世隆與有力焉更以義倉盈餘設學於趙家營今趙家營之略識之無者尙感其義云年六十逢母怒必求解顏而後已卒年六十有九矣

馬崇熙字俊升縣城人秉性冲和言笑不苟家稱富有周急濟貧無吝色對於地方公益嘗慨輸鉅金以資提倡清光緒時頒賜樂善好施字樣建坊於北門大街

宣化縣新志

卷十四 人物志下

十六

武略

董璽字廷信號青山縣北鄉西望山人忠誠剛毅驍勇敢戰隨總兵卻永戰於大同屢立功績晉級萬全都指揮僉事

鄭魁士字鼇峯宣化縣城人清嘉慶二十五年入宣化鎮標道光初由行伍積功奏補湖南守備歷陞廣西都司時洪秀全倡亂金田村世稱髮匪公奉調帶兵勦之以功陞遊擊咸豐初長江各省匪勢益猖獗廬州失守詔赴皖北會勦提督和春巡撫福濟壯公猷廬州遂克復補授壽春鎮總兵並奉詔會辦皖北軍務未幾捻焰復熾皖北郡縣多淪陷公以寡敵衆每戰身先士卒所向有功後敵軍見公幟輒風靡清文宗恩眷有加賞給

頭品頂帶沙拉瑪該勇號黃馬掛玉搬指翎管藥品等物旋調赴金陵以會勤有功授浙江提督復詔督辦甯國軍務暨幫辦東壩各處軍務公親提一旅屢挫敵鋒值餉源絕續之交當羣賊縱橫之地每臨大陳首陷兇鋒創傷鱗積同寅勸公靜攝公不謂然且益自奮裏創力疾仍日在血戰中大江南北兵民愛戴所至皆額手頌生佛嗣因傷益劇奏請開缺回籍調養同治初捻匪北竄震動畿輔復奉詔調赴直隸一帶督隊協勦賊匪奔潰遂署直隸提督力疾從公不辭勞瘁仍以傷痕復發回籍調養竟至不起溯自粵西用兵以來轉戰江皖湘鄂直隸數省治軍四十餘年勳勞卓著至今江皖士庶猶樂道之合肥李文

宣化縣新志

卷十四 人物志下

十七

忠公稱其堅苦剛毅驍勇絕倫馭衆恤兵嚴整寬厚無負國家干城之選者蓋曾與共患難知之最深也公在籍尤多義舉築永固壩以興水利修四牌樓以壯觀瞻起鎮朔樓以司昏曉開火石坡以利交通其他瑣事不勝枚舉同治癸酉卒於家年已七十有三矣賜諡忠烈廕生一世生平事績宣付國史館立傳長子永祥任浙江遊擊先公歿於廬州營次次孫萬成由廕生選授山西汾州府磧口通判

宗自明字立誠宣化本城人貌清奇而智勇絕倫家素業商君幼具大志因棄商投軍隸宣化練軍（報効）清光緒十年多倫白岔土匪蜂起勢張甚總兵王公可陞勦撫莫決時君已拔陞

中營馬隊前哨督隊官因進言曰賊雖衆勦之易耳若誘之於平原出奇兵以擊之一鼓可殲也王公諱君言率軍前進行至畢流溝君請充哨探夜帶數卒入賊巢賊不及防擒之歸溫語以詰之盡吐其情於是賊之虛實盡悉焉始戰於畢流溝君恐匪之負嵎也請誘之於三義泉再誘之於坤兌川更誘之於青龍背遂聚而盡殲焉終如君議奏功後從軍勦匪於克什克騰旗地方於經棚於多倫於劉家營戰績屢著積功賞戴藍翎拔補龍門路葛峪堡把總着以千總儘先補用十七年十一月隨營赴熱河勦匪匪首李愾珍者悍賊也精妖術而善督戰匪衆不下萬餘而我軍僅五百人遂駐紮於合成公商號內十一日

宣化縣新志

卷十四 人物志下

十八

午間匪從合成公對面山中大腿來撲離營約六里許我軍從圍牆上搶擊之賊伏不動當時槍皆舊式彈難及遠屢擊不中賊乃大笑自謂避彈有法也遂率衆猛攻勢如潮湧君揚言於衆曰事危矣我輩非拚死力戰絕無生理我軍遂奮勇猛擊烈戰半日許賊斃於墻下者約三千餘人賊首李愾珍頭裏紅巾坐轎車上切指持咒左右指揮衆匪皆承令圍攻不稍退怯君思捉賊不擒王終不能取勝也持槍向匪首猛發一彈中其左手李匪負痛潛逃賊乃驚潰君率軍追勦盡殲其類惟營官某經此惡戰鼠膽已破早驚悸成病因慰君曰此圍幸解望勿窮追君惟浩歎而已是役也賊衆我寡危如累卵非君激勵勇氣

槍擊賊衆幾有全軍覆沒之虞乃力攻智取卒能轉敗爲勝雖古之名將當無以過當時若從君議乘勝追勦自不難盡撲此獠滅此朝食詎不功勳並著乃遇人不淑功敗垂成致令後之李廣亦有不侯之歎命耶時耶不禁代爲之扼腕矣後此功竟讓他軍唾手而得驟擢不次君因此鬱鬱不得志灰心戰事絕口不談惟教子讀書力學毋再投身軍界而已後調充科布多換防防滿奏准都司補用著仍回葛峪堡原任年五十卒於任
貞烈

元

劉氏（元史列女傳）氏順寧人臺叔齡妻粗知書克修婦道一

宣化縣新志

卷十四 人物志下

十九

日地震屋壞叔齡不能起家復失火叔齡母前救不得就焚叔齡望見呼曰吾已不可得出當亟救吾母劉謂夫妹曰汝救汝母汝兄必死吾不用復生矣卽自投火中死火旣滅家人得二屍燼中猶手相握不開官嘉其烈上於朝命錄付史臣

明

嚴氏宣府前衛人年十八歸指揮高偉男永三載永卒遺腹生子寧家貧勤女紅養姑李氏一日姑疾將不起嚴呼天割股和羹進之姑疾遂愈相與育寧成人襲世職

甯氏宣府前衛人年十六歸舍人李衍衍死誓無他志奉姑克盡婦職孀居四十餘年壽七十八卒

胡氏宣府人歸郡人葛讓頗知書讓每讀胡默而聽之或及節行輒曰是固宜然但不願有此耳讓卒子旺甫四歲與其姪盛同撫教子後盛領鄉薦旺亦成立壽九十四守節七十三年雷氏宣鎮人歸蔚州衛軍校李鎮鎮死欲以身殉未獲未幾夫塚被發乃抱夫木主閉戶自縊詔旌其門

趙氏宣府前衛人少端莊父母擇郡子弟高文秀妻之秀死撫遺子登成人善服賈致養守節四十餘年

韋氏宣鎮人年十七歸軍校賀榮正德甲戌榮禦寇千家營力戰死韋親詣遺壘負榮骸骨歸葬自是謀死殉者百端親戚守獲勿克已乃給衆以渴甚覓火淪茶投水池死焉事聞詔旌其

宣化縣新志

卷十四 人物志下

二十

里門

曲氏宣府前衛人幼歸舍人秦通通死曲方十九歲語姑曰婦有二息將以累姑姑怪其言夜伺之果自縊力救乃免撫二息成人事姑盡孝宗黨稱爲曲節婦

樊氏揚州人宣有義官史勝商於揚娶歸二歲勝死遺孤鎮方三月撫之成立後仕眞定縣尹樊壽七十八卒

張氏宣府前衛人十六歸舍人葉度度卒奉繼姑維謹撫幼子棠甫成立而卒復撫其孫壽七十六歲

高氏宣府右衛人少歸指揮周雄雄死誓守志不二閨門慍如撫襁褓子成立襲世職年七十餘卒

周氏宣府前衛人舍人喬鵬妻鵬死遺孤方一歲撫之成立治家有禮法宗親童子並不得至庭闕閫內雖幼婢亦無敢作嘻嘻聲年六十餘卒

陳氏宣府前衛人歸國學生褚佐佐病囑以老親幼子陳泣而諾之四十餘年無間嘉靖中旌表

陳氏宣府前衛人歸百戶霍文夫死足不出柩限訓其子鎮至成嘉靖庚子年題旌

李氏宣前衛人歸軍校武銘年二十七銘死子得海甫能言辛苦鞠育見者憐之嘉靖甲辰題旌

門氏宣府左衛人歸旗校張鉞鉞有賢行門克佐之及鉞死哀

宣化縣新志

卷十四 人物志下

二十一

毀羸瘠守志四十年嘉靖初旌表

申氏宣府前衛千戶申海女歸昌平侯楊洪孫開平指揮楊璽璽卒撫子繼聰成人繼聰又亡撫襁褓孫鉞官至參將鄉人稱之嘉靖辛丑旌表

邢氏宣府前衛百戶邢洪女歸開平千戶潘鉞鉞邁疾死邢誓不二夫遺孕生子珙邢撫育之襲父職嘉靖丁巳珙與寇戰死邢泣而歎曰吾葬其父復葬其子耶以憂思卒年八十餘

孫氏宣府前衛人父達鄉稱善人索賢開平白昇妻之昇卒年二十二守志不渝奉姑張氏孝謹訓子文明成立終身未嘗有媠容壽七十卒

張氏宣府左衛人年十五歸庠生王椿椿死引刀欲自剄以殉所親抱捄諭以有二孤在因而守之撫長子臣爲庠生次子民領順天卿薦嫠處三十餘年足不踰闕監司奏旌其門

褚氏宣府前衛人年十五適郡庠生曹濂濂死欲以身殉姑勸百端乃已子桂卿訓之成人旌表

劉氏宣府前衛人都督淮女年十六歸都督江桓子世勛勳死無嗣或以難守諷之劉艷然曰簪纓巨族乃有不義女耶堅志五十年媼親罕得其面鄉里賢之

王氏宣府前衛人年十六歸李崧崧死矢志不移訓子貢入太學守三十五年題旌

宣化縣新志

卷十四 人物志下

二十二

馬氏宣府前衛人年十五歸保安千戶周麒麟受誣死馬事姑以孝撫二女成長守節四十餘年

劉氏宣府前衛人舍人楊雲妻十八歲守節垂四十餘年事舅姑孝訓子仲春成立

顧氏宣鎮人生而莊正不苟言笑年十六適庠生朱敬敬卒子甫四歲顧以縫績爲生撫其子成立子又卒遺孫周歲復撫育之艱苦五十餘年病革日囑其孫以力爲善人卒年七十有四孫氏宣府前衛人年十四歸舍人郭寶生子二寶卒孫年十九守志善事孀姑訓子萬臣萬忠俱克家

計氏宣府鎮城人爲王都閫駐妾恭遜柔順家人稱之都閫死

計踞泣柩前歷七晝夜餓死

郭氏宣府鎮城人年十六歸軍校張鎮嘉靖己未鎮禦寇戰死郭聞哀泣已而給姑他適閉戶縊死（鎮志）坊表作張珍

李氏宣府人張重燦妻二十六歲而寡家故貧值歲歉日祇一食所僦居或一歲數遷舅姑恆哀之而李誓無他志嘗夜課子燈火不繼燃蔴代之歷三十餘年子凌霄以歲貢官知縣事母盡孝巡按爲請旌

郭氏宣府人父祺爲泌陽令少歸茂才潘士奇士奇偕郭省祺卒於祺署郭年二十餘遺孤俱幼守節教子後得成名巡按李九官題旌壽七十餘

宣化縣新志

卷十四 人物志下

二十三

李氏宣府人知州李鈇女年十五適開平學生王承華甫八月夫死越五月遺腹生子之鳳及長補弟子員授室生子未周歲鳳又死復爲育孫巡按表其門 續鎮志作未周歲室又死
劉氏宣府人左軍都督劉一奎女適胡守謨年十七夫死養夫所生母守節五十餘年監司旌之

胡氏宣府人生員錢守廉妻夫死守節終身

李氏宣府人守備應元女生員胡兆可妻夫亡年二十孝事舅姑撫二孤成立巡按監司屢表其門

馮氏宣府人陣亡都司甄洪謨之妻二十四守節甲申流寇入城投井而死

甄氏大姑二姑三姑宣府人俱陣亡總兵甄奇傑女御史熊偉外孫女流寇入城三人同投井死

胡氏宣府人許國英妻

李氏宣府人試百戶王紹周妻

趙氏宣府人封夫人總兵盧居智之母年二十七夫亡居智方七歲撫之成立壽九十七御史胡旌其門

劉氏宣府人鴻臚寺序班張之棟妻

馬氏宣府人姜世英妻

李氏宣府人王道妻 續鎮志道字下闕一字孫志作王道

袁氏宣府人王國信妻縣志作國侯

宣化縣新志

卷十四 人物志下

二十四

張氏宣府人王牧民妻

郝氏宣人冀廷妻

楊氏宣人冀東妻

李氏宣府千戶朱璘妻

李氏宣府舍人趙昇妻

袁氏宣府舍人李清妻

閻氏宣府舍人趙選妻

清

毛氏都督盧抱忠妻年三十抱忠死家復爲流寇所破自甘荼苦撫子育民成名壽七十餘

郭氏宣府人總兵馬勝龍繼妻勝龍殉難桂林郭聞之自刎死
熊氏陣亡總兵甄奇傑妻御史熊偉女世襲錦衣衛甄洪猷守
備甄洪勳母守節四十五年

張氏參政王天鑑妻孝子王道舒媳也事舅姑以孝稱

劉氏憲副黃鉉妻封恭人鉉殉難揚州氏青年守志撫子元禧
成立爲庠生復早歿與媳相依荼苦五十餘載年八十卒 按
續鎮志載節婦劉氏爲生員黃元禧生母餘俱不詳與上縣志
所載小異存以俟考

李氏生員甄奇才妻十八歲守節壽七十一

梁氏遊擊梁震朝女甄洪猷妻候補守備甄國鼎母守節三十

宣化縣新志

卷十四 人物志下

二十五

九年 按上二氏俱被寇投井未死

劉氏遊擊劉光正女都司甄洪略妻生員甄國琮母守節四十
七年

安氏烈女行二父遠出繼母與人通懼女於父歸言其事乃與
所淫者計欲併污之女不從竟置之死死甚慘糧儲同知汪宗
豫廉得其實發奸摘伏爲女詳請建坊以旌其烈

江氏都士俊妻生子祚昌甫六歲夫亡年二十五苦志守節壽
七十八續志士俊作文

黑氏卽江氏媳也歸祚昌二載夫亡氏年二十遺子顯謨甫周
辛甘貧與姑共守時值歲荒姑江氏憫婦荼苦且知其志不可

奪不忍更以已累婦養欲先自縊氏偵知哀哭極諫姑亦痛絕
自止里紳士高其節公捐銀爲置西門外庄地一頃使取租贍
給當事多旌其門

杜氏都司姚永燾妻永燾死難氏矢節教子之愷成名宿孫文
光進士任知府

楊氏王希賢妻年二十五而寡家貧無子撫一女守志終身

張氏王馨妻馨早逝守節課子秀民復撫孫謙三俱爲庠生壽
八十餘秀民以孝聞學使者並旌之

楊氏千戶王登舉妻崇禎壬午登舉死於戰氏青年守節撫子
成人都司王表其門

宣化縣新志

卷十四 人物志下

二十六

王氏武進士劉光弼妻事舅姑孝年二十五夫亡撫二子成立
守節若干年雍正十年旌表

單氏王家棟妻巡按翁表其門

孫氏知縣謝命賞妻巡按翁表其門

李氏王天鼎妻年二十三夫卒甘貧守志歷六十三年學使英
旌其門

孫氏樊英妻

江氏明陣亡參將萬仞女指揮使陳文獻妻夫亡子幼值流寇
焚掠之餘幾無生理苦節三十餘年足不窺戶撫孤成立今爲
大族云

李氏年十四歸太學生王家楨事舅姑盡孝守節三十餘年撫二子長燮庠生雍正元年旌表

王氏拔貢生姚之益妻夫亡守志事翁姑盡禮教子文耀成立官羅山令壽七十餘雍正二年題旌

閻氏武舉閻師稷女年十四適庠生黃浩二十八歲而寡時夫之祖母孀母並守節在堂氏孝事之生死如禮撫育二子一女次子爲庠生壽七十一雍正三年題旌

袁氏適通州軍人仇茂德年二十三夫死撫子禹錫爲庠生亦早卒復撫二孫長孫淳以明經官訓導次亦成立壽八十五雍正三年題旌

宣化縣新志

卷十四 人物志下 二十七

張氏知縣高聯捷妻夫亡上事舅姑下撫二子守節四十五年親族未嘗獲面二子並爲庠生有文行壽七十四雍正五年旌表

王氏庠生張元惇妻年二十六夫亡事翁姑孝教子俊甚嚴爲庠生以勤勞致疾卒雍正九年題旌

吳氏庠生曹懷恩妻年二十五夫亡遺孀姑在堂二子俱幼家貧甚氏躬勤女紅養老撫幼苦節三十八年次子鎮爲庠生雍正十年題旌

邢氏年十四適通州軍人仇禹量事孀姑以孝聞夫亡茹苦守志四十二年二子泓洵並爲庠生雍正十一年題旌

劉氏歲貢生冕女年十六歸姚廷極末期夫亡無子撫叔之子
爲嗣成庠生雍正十二年題旌

鄒氏貢生曰偉女年十五歸庠生馬祥圖事舅姑相夫子惟謹
夫亡躬縫紉給朝夕撫子天行中甲午科武舉雍正十年題旌
陳氏年十六歸庠生楊承恩二十七歲而寡甘貧育子苦節四
十五年雍正十一年題旌

劉氏生員韓霖妻雍正三年旌表

王氏郭昌治妻年二十九夫亡撫孤守節四十七年

黑氏楊盛東妻年二十六夫亡翁姑繼歿備歷艱苦守志終身

李氏監生王家正妻夫亡事舅姑撫幼子克盡慈孝守節四十

宣化縣新志

卷十四 人物志下 二十八

六年

李氏孫好玉妻年二十一夫亡孝養翁姑撫子成立守節三十
七年

武氏韓奇妻年二十六而寡家貧針指度日事舅姑孝育子有
成

冀氏武定疆妻夫亡年二十六事舅姑葬盡禮撫遺腹子爲庠
生守節四十五年

徐氏雷敷檉妻年二十六夫亡勤女紅以養翁姑教子成立

以上七人皆雍正四年旌表

郜氏生員劉聖和妻年二十五夫亡守節事翁姑克盡孝養撫

前妻子如已生雍正八年旌表

蔡氏生員胡蛟龍妻年二十八夫亡藉縫紉以養姑撫二子並入泮守節三十八年雍正十年旌表

郭氏段錦妻年二十七夫亡事祖翁姑及翁姑盡禮教子甫入泮旋亡復撫孤孫成立守節三十七年

張氏王鳳妻年二十八夫亡撫孤成立苦節三十六年

趙氏生員張允德妻年二十八夫亡事老姑撫幼子守節四十年

以上三人俱雍正十一年旌表

李氏劉鈺鼎妻年二十七夫亡事親教子克盡慈孝守節三十

宣化縣新志

卷十四 人物志下 二十九

年子某庠生

高氏冀永祿妻年二十八夫亡孝事翁姑撫子成立守節三十一年

武氏李福全繼妻年二十二夫亡善撫前妻遺子守節三十三年

陳氏玉之喬妻年二十八夫亡孝事舅姑守節三十六年

殷氏董應發妻年二十一夫亡事親盡孝教子有方守節三十年

牛氏李俊妻年二十八守節歷三十九年孝事翁姑教子入泮

以上六人俱雍正十二年旌表

楊氏烈婦民人李智妻年二十六夫亡吞聲忍慟以慰翁姑逾三日晚自縊柩旁面色如生

宋氏王汝弼繼妻年二十四夫亡誓死不易其志撫前子曲盡慈愛歷四十四年

孫氏何重耀妻二十一歲夫亡其翁年逾耄矣遺子女俱幼慈教兼至守節三十年

馬氏丁啟泰妻年二十五夫亡事祖姑盡孝女紅自給守節三十四年

王氏巡檢黃進功妻年二十八夫亡撫孤守節三十四年
白氏生員康德顯妻年二十三夫亡家極貧針指自活撫遺孤

宣化縣新志

卷十四 人物志下

三十

坦遊庠守節四十二年

馬氏閻嘉祚妻年二十八夫亡苦節五十一年撫孫成庠生

以上七人俱雍正十三年旌表

馮氏霍成印妻年二十五夫亡事衰翁撫幼子苦節四十九年
乾隆元年旌表

王氏李郁妻年二十四夫亡姑老子幼以女紅資給守節四十八年元年旌表

高氏王世臯妻年二十七夫亡孝事孀姑育遺孫遊庠守節四十六年乾隆三年旌表

楊氏董元妻年二十九夫亡艱難守志教子有成歷三十一年

乾隆三年旌表

仙氏牛世儒妻年二十九夫亡事奉翁姑撫育三子守節三十二年

黃氏儒士褚世昞妻年十九夫亡事翁姑朝夕不怠撫繼嗣成立守節三十三年

冀氏生員王汝霖妻年二十九夫亡善事舅姑育子成立遊庠
楊氏監生郭家珍妻年二十二夫亡斷髮自誓事翁姑撫繼嗣
守節三十一年

喬氏李自馨妻年二十六夫亡遺孀孤幼子煢煢相守後子復
亡益孤苦卒無他志歷四十一年

宣化縣新志

卷十四 人物志下

三十一

靳氏張士恆妻年十九夫亡力勤女工養老撫幼苦節五十一年

揚氏王吉琳妻年二十夫歿遺孤繼亡依夫弟存活苦節二十一年

以上七人俱乾隆四年旌表

葉氏王文麟妻年二十六夫亡孝事翁姑教子入泮守節三十一年乾隆五年旌表

王氏貞女字舉人魏之樞未成婚年二十二夫故于歸泣奠誓
以終身守貞三十年撫姪以繼宗祀乾隆五年旌表

李氏姚廷槐妻年二十七夫亡姑繼病奉侍盡孝育周歲子成

庠生守節二十七年

王氏于養志妻年二十三夫亡奉老姑撫幼子食貧守志四十二年

郭氏王永福妻年二十九夫亡遺孀姑幼子仰事俯育守節四十二年

孔氏石永妻年二十九夫亡事翁姑撫二子守節三十一年

以上六人俱乾隆六年旌表

高氏黑常昇妻年二十六夫亡家貧撫子荼苦三十八年

姚氏張希浚妻年二十八夫亡撫前子克盡慈愛教親子力學遊庠守節三十六年

宣化縣新志

卷十四 人物志下

三十二

王氏魏廷賓妻年二十六夫亡甘貧守節事姑養葬盡禮年五十一教子玘成名

楊氏胡以灑妻年二十七夫亡奉養孀姑撫孤成立守節三十六年

以上四人俱乾隆七年旌表

劉氏趙賓之妻守節三十五年六年詳請旌表

秦氏武應貴妻守節三十九年詳請旌表

王氏閃全妻年二十七夫故家貧守節以紡績撫幼孤歷艱辛數十載乾隆八年旌

孫氏陳國懷妻夫故遺孤甫三齡氏撫孤守節事舅姑至孝撫

子成名官千總乾隆九年旌

白氏谷成妻成死遺孤三歲氏哀毀絕飲食姑勸之哀因忍死自甘荼苦以節孝聞乾隆十年旌

孔氏丁才妻才病篤惟以老母子女爲憂氏慰之及歿敬事老姑撫子女不辜夫臨歿之意守節五十餘年乾隆十年旌

朱氏庠生趙廷敬妻年二十一敬遺言以婦無嗣當他適母家亦欲嫁之氏誓靡他敬兩弟媳張氏李氏亦相繼守貞一門苦節焉乾隆十一年旌

張氏陳祿妻夫死子幼家貧氏以女工養姑撫孤成立乾隆十一年旌

宣化縣新志

卷十四 人物志下

三十三

郝氏聞昌祚妻夫卒年二十三老姑瞽目兒在襁褓氏以十指度日乾隆十一年旌

張氏全進福妻夫死氏守節事舅姑孝謹撫繼嗣成立乾隆十一年旌

王氏生員許賓妻賓死家貧遺孤甫四齡氏藉紡績爲生計撫子成人乾隆十三年旌

張氏生員李名卿妻夫死安貧守節撫遺孤成名乾隆十三年旌

郭氏冀國樑妻夫亡翁姑就衰二孤俱幼氏以女工度日孝慈兼盡乾隆十三年旌

潘氏張士奇妻奇以從戎卒氏聞欲以死殉念翁姑俱邁因守節撫繼嗣成立乾隆十五年旌

李氏生員陳萬鐘妻夫故無子氏矢志堅貞撫姪爲嗣守焉乾隆十七年旌

蕭氏玉之畿妻夫故氏堅欲以死殉翁姑力勸之後姑喪明奉侍無倦容乾隆十八年旌

張氏王元功妻年二十二夫故誓不欲生翁諭以撫孤大義遂堅志爲未亡人焉乾隆二十二年旌

張氏生員黑天潢妻潢歿氏年二十四家貧氏勤紡績忍飢寒撫幼孤守志年六十餘卒

宣化縣新志

卷十四 人物志下

三十四

任氏梁邦玉妻鈺少孤氏不及親事舅姑祭祀必誠必敬及鈺死氏矢志不移課子成名

宋氏廩生管有功妻夫亡子幼氏撫育之旋天氏堅志守節年六十餘卒

以上舊志

史氏縣北鄉西望山董鳳鳴之妻董璋董琳之母也稟性賢淑寡言笑歸董後尤能盡婦道上事翁姑數十年如一日教子孫以耕讀並重以故二子三孫雖皆名列膠庠俱無廢於耕家已小康而氏自奉甚菲以勤慎持家嘗曰吾非一錢如命者特愛惜物力耳若果依財爲命又何至施人以棺濟人以藥餌欲求

濟人當求已足未聞已飢而飽人者其志蓋如此有清道光十二年宣境大飢村人皆菜色氏出積穀按戶給之且曰食罄可往取之村人不忍假米而索糠氏不與糠而給米縣令姚煦知其事達上聞賜重圍永芑匾額旌其門壽九十猶不杖而行後無疾終

王氏縣北鄉西望山董鳳鳴之祖母也年十九歸董世景端莊貞靜四德備修甫五載而世景亡氏矢志守節撫子治家或勸之再醮曰已嫁而夫死天命也若再醮爲違天違天不祥又指其子曰董氏之賴以繼續者祇有此一塊肉呱呱者又將誰遺也願終身守之其後閉門不出者二十年於有清嘉慶癸酉年

宣化縣新志

卷十四 人物志下

三十五

奉旨旌表並賜建坊督學吳公旌之曰貞操裕後知縣劉公給以金心松操匾額壽八十有六而卒計守節六十三載云

白氏縣北鄉干庄堡人適蘇玘功年二十四而居孀守節三十一年而卒有司旌其門心貞崑玉

喬氏縣北鄉干庄堡人年十九適于志和二十八歲而夫亡矢志守節五十三年壽八十一而卒

谷氏縣北鄉小倉蓋人適劉廣德夫亡守志撫孤已呈請褒揚矣

高氏縣北鄉干莊堡人貢生齊步墀之妻二十九歲而夫卒守節教子四十餘年戚友頌以柏舟矢志清芳永著匾額

朱氏縣北鄉干莊堡人適齊爾遷三十而寡守節教子數十年親友旌其門曰節義堪欽云

范氏縣北鄉東望山人年十九適豐德華五載夫死遺一子貧不自給氏賴十指以餬口矢志撫孤五十七年清乾隆四十九年奉旨旌表知縣倪公賜以金石同堅匾額

武氏縣東鄉白廟堡人適李福全年二十八而夫死守節育子頗有可稱其媳寧氏亦二十六而居孀奉姑甚孝其孫媳杜氏未婚而夫亡杜氏竟來歸不肯別適孝事姑祖終身無愧色清雍正時奉旨建坊旌以一門三節傲骨生然八字其玄孫李達之妻王氏亦以二十八歲而守節壽至八十三而卒節孝之婦

宣化縣新志

卷十四 人物志下

三十六

鍾於一門無怪其子孫繁衍家盡良善也

范氏縣東鄉小村堡人適何世寬之父二十三歲守節民國二年終享壽七十有二

劉耿氏年二十五而夫亡七十一歲卒計守節四十六年

武樊氏縣西鄉寧遠站人清道光十七年守節年僅二十六同治十二年卒計守節三十六年

南姚氏縣西鄉寧遠站人年二十一守節計三十八載而卒

楊段氏縣西鄉寧遠站人守節育子頗堪矜式於清光緒十三年曾請旌表

梅王氏縣西鄉柳樹屯人年二十二而夫死子又少亡守節撫

孫現年已七十餘矣

席楊氏縣西鄉老鴉莊人清同治二年守節年僅二十七至今尚健

何趙氏縣城人年二十九而亡所天遺子二女二尚幼孀姑陳氏年已六十矣既失明且病足子女須提携孀姑須扶持家更無隔宿糧號寒啼飢聲達四外氏日飲泣惟賴十指以養贍稍有餘則儲之舉凡葬姑子婚而女嫁其費皆氏預蓄也戚族憐其志而敬其行請於督學奏旌其門云

馬劉氏縣西鄉沙嶺堡人年二十三而夫卒傭以育子 壽六十有七計守節四十四年

宣化縣新志

卷十四 人物志下

三十七

馬王氏縣西鄉沙嶺堡人二十七歲守節七十有二而卒計四十五年

施姚氏縣西鄉南興渠人年二十九而夫故守節三十八載卒年已六十七矣

趙氏萬全縣屬前屯人性端莊不苟言笑適縣西鄉榆林堡土人王殿寬於二十九歲夫卒孀守三十餘年民國二年而終享壽六十有五

楊施氏縣東鄉小村堡人於清同治元年二十七歲守節民國元年卒享七十七歲守節四十餘載云

李顧氏縣南鄉外口泉人年二十二而夫故矢志守節三十四

載蒙直隸總督咨部請准旌表並自行建坊

李劉氏縣東鄉朱官屯李培治之母於二十三歲撫孫守節七十三而卒蒙知孫瑞公請部給柏節松齡匾額以彰苦志云

李成氏縣東鄉朱官屯李懷魁之母年二十五而夫死懷魁僅周歲氏守節撫孤垂三十二年清光緒三十二年蒙提學使盧請部褒揚云

李徐氏縣東鄉朱官屯人二十五歲而夫死守節四十三年經清內務府大臣莊泰請部旌表云

郭王氏縣東鄉雞鳴驛人年二十一而夫亡守節四十年經知縣王公請部給璞玉渾金匾額以誌貞節

宣化縣新志

卷十四 人物志下

三十八

閻金氏縣東鄉雞鳴驛人二十三歲守節壽至六十有八而卒曾經懷來縣知事潘請部給獎云

楊申氏縣東鄉東辛莊人年二十一而夫死守節五十三年經懷來縣知縣潘請部表揚云

董殷氏縣東鄉南甘莊人二十四歲守節壽至七十八而卒於清嘉慶庚辰年經縣教諭朱自新獎以貞節雅風以資表揚

郝宗氏縣東鄉南甘莊人年二十五守節七十五而卒

董徐氏縣東鄉南甘莊董檣之妻十七來歸未及一載而夫亡奉姑守志今已四十有九矣

龐賀氏縣東鄉郝家坡人甫許婚而夫死氏往奔喪柩前成禮

哭失聲營喪畢繼子守節子天繼孫壽至七十二而卒蒙宣化府知府英公請部奉准建坊以純節可貞四字表其門

張楊氏縣東鄉鷄鳴驛湘之女也十六歲適黃莊張翼五載而夫亡且乏嗣祖姑均孀居在堂氏克盡孝道矢志守節迨孀姑故後邀宗族爲其夫擇續旦夕操勞撫嗣子若已出甫生孫而子又亡氏更育之成於有清光緒三十四年蒙直隸提學使盧賞給昭彰苦志匾額現已七十有五蓋守節五十四載云

王杜氏縣東鄉南辛莊人年二十九歲而夫故傭而育子壽至八十一歲而卒

康崔氏縣東鄉上花園人二十七歲守節六十有五卒計三十

宣化縣新志

卷十四 人物志下

三十九

八年云

楊韓氏縣東鄉經堂房人三十六歲夫故守節三十七年壽至七十有三而終

吳王氏縣東鄉黃莊人年二十五而夫死矢志守節今已七十有六矣

王尹氏縣南鄉化稍營王興禮之妻曾奉旨旌表建坊

王沈氏縣南鄉化稍營王鴻猷之妻曾奉旨旌表建坊

王李氏縣南鄉化稍營王聯魁之妻曾奉旨旌表建坊

曹王氏清光緒丁酉科舉人王汝功之姊適曹室年二十而夫死遺女一家徒四壁立氏矢志守節誓不再嫁依母家以十指

撫幼女女既長爲之配亮節高風實堪矜式

宋閻氏縣東鄉段家堡人守節四十四年

梁楊氏縣東鄉姚家莊人守節四十七年曾由保安州請部給獎

祝李氏縣城祝運泰之妻

祝張氏縣城祝三金之妻

祝劉氏縣城祝天相之妻

李氏縣城人守孀三十年已入節孝祠

郭楊氏縣城太學生郭家珍之妻守節數十年已旌表焉

郭宋氏縣城庠生郭愷之妻青年守節例合旌表

宣化縣新志

卷十四 人物志下

四十

郭李氏縣城庠生郭益之妻守節多年例應請旌

董趙氏縣城董元愷之妻守節終身

黃閻氏縣城黃浩之妻清雍正六年奉旨旌表建坊

閻郭氏縣城進士閻廷弼之妻守節四十一年享壽八十有三卒

陳劉氏縣城耆民陳詣忠之母守節數十年立有匾額

陳蕭氏縣城人守節多年清嘉慶年立有匾額

陳閻氏縣城生員陳立之妻進士閻廷弼之姊守節三十餘年現年已七十有八身體強健尙無老態

石馬氏縣城人守節三十五年

張氏縣城人李蔚之妻年二十六而夫死遺子一女一子甫九齡女方兩月而孀姑已六十有二矣家境艱難不敷養贍氏則節衣縮食茹苦含辛凡葬姑子婚而女嫁皆氏之力也光緒二十年卒享壽八十有四守節五十八年

王氏萬全縣屬張家口人適忠烈公鄭魁士當清道咸時忠烈南征捻匪道路梗塞嘗饗殮不繼親族咸憫其拮据夫人坦如也後以夫貴封爲一品夫人晚年雖富仍食不兼味其儉德有足多者享年八十三卒

馬氏懷來縣新保安人爲遊擊鄭永祥之妻忠烈公之媳年二十餘夫歿於廬州氏矢志守節終年不出中門光緒十五年朝

宣化縣新志

卷十四 人物志下

四十一

廷遣大臣致祭忠烈有司上其行蒙恩旌表卒年七十蓋守節四十餘載云

